



Kitci nisitotcikatek nanakasimiwewin kitirosowininak Atikamekw Nehirowisiskak acitc tan e ici tapwetakik onehirowisiwatisiwiniwaw

Ohwe ka ki ici otamirotcicikatek tan e ici wapatakik tan e ici kicteritakik Atikamekw Nehirowisiwok niheriw nanakasimiwewiniw otirosowiniwak acitc e ici kicteritakik peitak otirosowiniwaw acitc tan e ici nanackakotcik e wi pimatatakik. Niheriw tca kitciwe ka ki wi nikanictatcik kitci tcimotatcik niheriw nanakasimewiniw otirosowininak kitciwe e actatcik tan e ici kicteritakik kaskina ka ici miwotatc otirosowinik kaie e kice kicteritak acitc e ici tapititatc misiwe kaskina kicteritamowina ka ici nikanictitatc Atikamekw Nehirowisiw.

Nihwe tca ka ki nikickak e arimanik ohweriw ka kitci-paritc niheriw e kanawapatak natokohowewinik ka ici mihikoiikw tapickotc kaskina e Nehirowisiikw peikon kaie aniki otenak ka aitaciketcik orina e mackowak orina aka mia e itikoiikw arotc e mareritakosiikw ko. Orina ki mackowaw emitcikosi itatisiwin acitc e ki wi cacosimikoiikw kipimatisiwininak nihwe kaie e ki patokockakoiikw irakonikewin nehirowisiw ka ki acotcickowakaniwitc kaie nihwe natokohowewinik acitc tan e ici pimatisitcik Nehirowisiwok enko kaie ka arimotcikatek.

Nohwe ka ki iciwepasitc Joyce Echaquan tekaci e ki nokok aka mia e ki otci totowakaniwitc natokohowewinik acitc nihwe kaskina ka ki ici mareritakosiikw e nehirowisiikw wawatc nte peitak akosiwikamikok e taci mareritakosiikw acitc ko nte ka ici witcihikoiikw e tca itacterik kitci witcihiwetcik. Nohwe tca *Principe de Joyce* ki takon e ki mawotcihitonaniwok kitci mikawasitcicikatek kitci actakaniwok nanakasimiwewin itirosowininak ekote tca ka otci matcetik nihwe e ki oreritcikatek kitci tcimotek nihwe aniki tca Atikamekw Nehirowisiw apitc ka takwakik 2020 ka tcimotakaniwok.ekote tca ka ki otci parik nohwe nosanehamowin.

Aniki tca ka ki witcihiwetcik nihe e otamirotcicikatek enko aniki ko ka witcihiwetcik Atikamekw Nehirowisiwok kitacikewininak ka aitaciketcik nte ka ici otamirotcik natokohowewinik acitc ka atosketa-ketcik witcihiwewinik kekotc aci anotc mekwata aka e otamirotcicik aci. Nte Manawanik acitc Opitciwonok. kaie Wemotacik. Peitak tca nehirowisiw e ici wapatak acitc e ici otamirotc enko ka ki pimetetakaniwok tan wir e ici mamitoneritak acitc tan e ici wapatak wir enkweriw ka ki ici wawitakik apitc ka kokwetci-makaniwitcik. Ni apitc ka pa kokwetcikemonaniwok 15 kakone pisimw 2022 nac tca 22 akokatcic pisimw 2023.

Ka ki ici orowiparik nihwe nanto kiskeritamowin kitci witcihiwemakan awocamec kitci nisitotakok nihe nanakosimiwewin otirosowininak tan wirawaw e ici wapatakik Atikamekw Nehirowisiwoknte e ici aspictatcik ka ki ici pimetetcik natokohowewinik acitc wawitcihiwewinik nte otenamiwak ka ici atoskectaketcik. Nokotawok neta e nisitotakik tan e ici takickakemakak acitc ke ici witcihiwemakak nihe

E nehirowiskweian atikamekw nipara nihe itemakan nitirosowinik ninehirowimowin kirika tan e ici nakatawerimisoian wewerita kitci natotakoian kitci kiskerimikoian aka e miro nisitotaman emitikoci-mowin acitc kitci kiskeritak naha ka aimihitc. Kitci nahipitak ke ici aimihitc kitci miro nisitotowak. Enko mitowi naskamowin (R10) (Dubé, 2025, p. 63).

e actakaniwok nanakasimiwewin otirosowininak kaie mikawasitatamok kitci actakaniwoki k eki ici witcihiwaniwokkitci acotcictek kaie otirosowin kaie nehirowimowin acitc kitci miro natotakaniwok kitci miro witcihiwaniwok.

Nihwe ka ki nanto kiskeritcikatek nokotakaniwon kirika ka ici takickakemakak wawitcihiwewinik acitc natokohowewinik kitci ki actakaniwok tca nihe nanakosimiwewin otirosowininak nihe tca e acotcictakaniwok nehirowisiwatisiwin mitowi aniki ka ki iciotamotatakik nete Colombie-Britannique :

Enko nihe ke nikanictakaniwok e ici takickakemakak opimatisiwinik nehirowisiw acitc kitci actakaniwok irakonikewin kitci atcinakok e acotcictakaniwok ke ici kicteritakositc nehirowisiw aka kitci apinemakaniwitc kaie kitci ici takocinitc mirerimowinik e icatc kitci natokohowakaniwitc acitc e icatc kitci witcihakaniwitc ote kaskina Kepek askik (Dubé, 2025, p. 113).

Ka ki ici orowiparik tca ohwe nanto kiskeritamowin kitci kicteritakok kaie kitci takok natotakewin kaie awocamec wit-

citakaniwok wawitcihiwewin kaie kitci nikanictakaniwok otirosowin nte e ki ici otcitcipariki apitc ka nanto kiskeritakok ni apitc 2012 aniki ka ki miwotawaspan niheriw nanto kiskeritamowiniw aniki ka mitatcik miro pimatisiwinik natokohowewinik (CCS) e ki itactatcik wewerita e acterik kitci natokohwakaniwitcik nehirowisiwok tan kotc e ici kicteritakositc iriniw tan kotc e icinakositc enkweriw ka ki ici pasoweritakik acitc tca kitci witci otamiromakaniwitcik kitci witapimakaniwitcik kecpin e otamirotcicikatek natokohowewinik (CCS, 2012). Meckotatisiwin kaie kata kitciweritakon kitci nawoparik e wi minotitakaniwok nihe nanakasimiwewin otirosowininak acitc tapwerimiwewin aniki otcik akosikanak kitci tapwerimikotcik ka natokohowewiritci.kirika kitci icatcik peitak nehirowisiw otenak. (R6) Kitci atcinakok nihe peikw nta itew kitci mamo apinaniwok kitci aiarimwaniwok acitc kitci wawitcihitonaniwok. (R8)

Niheriw kirika arimotam neta nanto kiskeritamowin kitciwe kitci kanawapatcikatek kitci miro pimatisinaniwok acitc kitci mirerimonaniwok e Nehirowisinaniwok kitci miwotakaniwok otirosowininan kaie onehirowiatcihowin kaie e ici pimatchotc nehirowisiw kaie nihe ka osami mamockinaniwok mikiwamiskak. Nihe kirika ko ka ici mamitoneritak nehirowisiw misiwe e ici tapititac opimatisiwinik kaskina ka ici mirockakotc kekwariw owiaik,omitoneritcikanik, omantowatisiwinik acitc e ici pimatchotc kaie e nikanictac nte ka ici natokohonaniwonik kaie wawitcihiwewinik nte kaskina nehirowisiw otenak. Nehirowimowin enko kitciwe ka kicteritakotc otirosowininak nehirowisiw otenak peikon kaie mamik otenak ka aita-ciketcik. Mitowi peikw neta ka ki witak kirowe e miro kiskeritak onehirowimowin awocamec kirowe kiskeritam otirosowin miskam awocamec onehirowisiwin (Dubé, 2025).

Nihi e ici witcihiwemakak nihe nato kiskeritamowin awocamec kitci kiskeritakotc k eki ici witcihiwemakak awocamec kitci nisitotakotc nihe e wi arimotcikatek nanakasimiwewin otirosowininak patam tca kaie kata wi nisitotakotakaniwon kekwan nihe ka wi arimotcikatek aniki otci Nehirowisiwok acitc emitcikocicak nta ka ici otamirotcik nato-kohowewinik acitc witcihiwewinik :

Nihe e arimotcikatek ki nicikimiwaniwon mia peikon e ki pe actakaniwok aka tca nte atamik e otciparik... kecpin e kokwetcmikoian nte akosiwinik : pe arimotamaci nanak-simiwewin otirosowinik. Mia sa nte kitci ici naskamoian wiraaw nte e ici wapatakik kitci tapitinik ka wi ici miwotatcik (R1) (Dubé, 2025, p. 89).

Anihi ka nakackakemakak witcihiwewinik aka e tipi tipatcimoctatonaniwok kirika e koctcikatek kaskina awik kitci kiskeritak ka ki ici tipatcimoniwok e koctcikatek tca wec kitci itikowinaniwok kitci mare-ritakosinaniwoko kaie aka e miri kiskeritcikatek kitci ki matci mawotcihitonaniwok akosiwikamikok kirika e atawapitcikatek ko notcimiw mackiki. Mitcet awik ki itewok ohwa nanto kiskeritamowin e witakik aka mia e ki otci totowakaniwiticik mekwatc ka pe natokohowakaniwiticik akosiwikamikok. Peikw nta itew mana kata ki miro witcikatew nihe aka mia e ici witcihiwaniwok akosiwikamikok. « E kiskeritaman e icaiin akosiwikamikok patam ki micta werihitison e werihitisoiiin tan ke ici mihikoiin. [...] osam kir e nehirowisiin terak kotc tan e ici wapamikoiiin tekaci ki kiskeriten nihwe » (R7) (Dubé, 2025, p. 95).

Nihwe nanto kiskeritamowin kanawapatam e ici kicteritakotc kekwan acitc e ici kitciweritak Atikamekw Nehirowisiw mitowi witcihiwewiniw.witcicanitowiniw, witeritamowiniw, mackawerimowiniw kaie irinisiwiniw. Kaskina niha ka ki ici tipatcimoniwok nokotakaniwon witeritamowinik acitc mackawerimowinik mammo e miwotakaniwoki misawatc peiko aka orina e mirerimonaniwokokkewan e iciwepasaniwok peikon witeritcikatew papinaniwon kaie witatisokaniwon misawatc e micta kackeritakotc (R7) (Dubé, 2025, p. 104).

Awocamec kitci nisitotakotc nihe irinisiwin tan wie e ici wapatakik Atikamekw Nehirowisiwok niheriw tca ka ki witakik nato kiskerimitosowinik atamik awik wir tipirawe acitc tan e asiteritak irinisiwiniw. Enko tca ohwe peikw awik ka ki witak tan e ici wapatak niheriw irinisiwiniw otirosowiniw : « E ici wapataman nin mia peikon awik ka atoskectaketc kitci tca kiskeritamihatc anihi kotakahi ka witcihatc pitoc e itatisitc wir kotakeriw otirosowiniw e pimatisiwaketc » (R8) (Dubé, 2025, p. 107).

Enko tca ohwi ka ki ici moskiparik e nanto kieritcikatek :

- Nihwe e ici nisitotakok nanakasimiwewin otirosowininak pata awocamec kata witcikatew.
- Nihwe k eki ici witcihiwemakak takickakemakan opimatisiwininak acitc tan e ici witci pimatisimitonaniwok nehirowisiw acitc emitcikocic.
- Kitci miwotakaniwok tan e ici witcihakaniwitc awik enko niheriw kitciwe ke witcihikotc nehirowisiw tan wir e ici wapatak opimatisiwinik peikon kaie kicteritamowinik.
- Kitci weritakaniwok kiskinohamakewin kitci orisinahiaktek kaie kitci orocawatcikatek nihe itekera natokohowewinik kitci aric nte witapimkaniwitcik nehirowisiwok e actatcik nanakasimewiniw otirosowinik ote Kepek askik.
- Nihe e ici nisitotakok irinisiwin otirosowininak kitciwe nihe nikanictakaniwok enko kaie ka apatak e wi actakaniwok nanakosimiwewin otirosowininak.

Nicin tca kotak ke ki ici awocamec k eki kotcitakaniwok nanto kiskeritamowin enko tca nihe mino pimatisiwin Atikamekw Nehirowisiwok kaie tca kitci aocamec otamirotcitcikatek kitci wawitcihitonaniwok e papekokasonaniwok kaie kitci mamowinitonaniwok nihe e otamirotcitcikatek nanakasimiwewin e mamowinitonaniwok akosiwinik itekera.

Kitci nto wapataman ohwe mémoire de maîtrise:

<https://depositum.uqat.ca/id/eprint/1669>



Lucie Dubé, B.T.S., M.A.

Courriel : gatineau12@hotmail.com

Site Web du Laboratoire de recherche - Mikwatsiw

<https://www.uqat.ca/recherche/laboratoire-de-recherche-sur-les-enjeux-relatifs-aux-femmes-autochtones-mikwatsiw/>

Direction : Suzy Basile, professeure, École d'études autochtones, Université du Québec en Abitibi-Témiscamingue

Codirection : Carole Lévesque, professeure titulaire, Institut national de la recherche scientifique